



خلق و تىلى نىنگ ياشى هر قچان هم او آتلهياتگن آت تارىخى بيلان اولچنه وېرمەيدى. چونكه معين تىل اوز تارىخى دواميده بير قنچه نام بيلان يوربتىلگن بۇلويي ممكن. بونىنگ مثالي: حاضركى اوزبېك، اوزبېك تىلى آتمەلرى نىنگ كېلىب چىقىش تارىخى اونىنگ قدر اېسكى اېمىس. اصلده اېسه اوزبېك خلقى و تىلى نىنگ تارىخى جوده اېسكى زمانلرگه اېلديز آتگن بۇلىب، حاضركى آت نىنگ تارىخى اونىنگ ياشىنى اوزيده عكس اېتتىرمەيدى. اوتىمىشده حاضركى اوزبېكلر و اولرنىنگ تىلى بير قنچه نام بيلان آت كېلىنگن.

قىدىمكى تورك اجتماعى- سياسى محيطده «خلق، اولوس» توشونجه سىنى ال-اېل (äl~el)، بۇدون~بۇدون (bodun~bodun)، اېل-كون، اېل- اولوس سۆزلرى افاده اېتگن. بىزگچه يېتىب كېلگن اېلك يازمه آبدەلرده توركى قوملرنىنگ آتلىرى هم تىلگه آلىنەدى. مثلاً، كۆك تورك بېتىگلر يده توركى قوملرنىنگ عمومى آتى (تورك، تورك بۇدون، تورك اېلى) دېب آتەلگن. توركى قوملر اېسه اۇغوز (بو قوم اويوشمه لرى سكىز اۇغوز، تۇقوز اۇغوز دېبىلگن)، اويغور، تاتار (تاتار، تۇقوز تاتار، اوتوز تاتار)، قىرلوق، قىپچاق، قىرغىز، بىسمىل آتلىرى بيلان قىد اېتبلەدى. بعضن بولر بۇدون سۆزى بيلان بىرىكمە شكىلده هم قوللنگن: اۇغوز بۇدون، تۇقوز اۇغوز بۇدونى، قىرلوق بۇدون، " مملكت، يورت" توشونجه سىنى اېل سۆزى افاده لنگن: تورك قىپچاق اېلى سىنگرى. مۇھىمى، يازمه منبع لردە توركى تىل و اونىنگ دىيە-لكت(دىالكت)لرى آنه شو قوملرنىنگ آتى بيلان آتاغلىق. بو آتمەلر تىل سۆزى بيلان هم قۇشىب ايشلەنىلگن. مثلاً: اۇغوز تىلى، اويغور تىلى.

اېندى توركى (اوزبېك) تىل نىنگ اوتىمىشده گى آتلىرىنى يازمه يادگارلىكلر مثالىده كۆرىب چىقەلىك. توركى تىل نىنگ اوتىمىشده كېنگ قوللەنىلگن آتلىرىدىن بىرى تورك (توركچە، تورك تىلى) آتمەسى دىر. بو آت بودىزىم نىنگ 7-9 عصرلرگه منسوب «مايتىرى سىمىت نوم بىتىگ (Maytri simit no'm bitig)» اثر يده قوللەنگن. چنانچە، اثرده پارتراكشيت كرنە وژكى (Partanarakšit Karnavajiki) آتلى كېشى اونى توخرى (توھر to'xri =، tohar تىلىدىن تورك تىلىگه ترجمە قىلگنلىگى قىد اېتبلەدى: پارتراكشيت كرنە وژكى تورك تىل نىچە اېويرمىش مايتىرى سىمىت نوم بىتىگ (م س. 145).

اونىنچى عصرده يشەب اوتىگن بېش بېلىقلىك مشهور ترجمان شىنگو شېلى تودونگ (Shingku Sheli tudung) هم اوز ترجمەلرېدە ئەنە شو اتمەنى قوللەگەن. اونىنگ توغچە (ختايچە) وپرسىيە اساسىدە توركىگە اوڭيرىلگەن «سيون-سزن (Syuan-szan) كېچمىشى» اثرى تورك تىلىدە اېكنلىگى تاكىدلەندى. توغچ تىلىدن يەنە بېش بېلىقلىك شىنگو شېلى تودونگ تورك تىلىگە اوڭيردى (Tawğaç tilintin yana beşbalıqlıǵ Şinğu Şeli tuduǵ yañirtı türk tilinčä ewirmiş). (ewirmiş تورك تىلى اتمەسى شىنگو شېلى نىنگ باشقە بىر ترجمەسى – «وجود و كونگىلىنى انگلش كتابى» دە هم اوچرەيدى. اوندە اثر قندە تىلدن اوڭيرىلگەن توغرىسىدە شوندى معلومات بېرىلگەن: شىنگو شېلى تودونگ توغچ تىلىدن تورك تىلىگە ترجمە قىلدىم. (Şinğu Şeli tuduǵ tawğaç tilintin türk tilinčä ewirü tegintim) لېكىن بو ترجمان ايجادىگە منسوب «آلتون توسلى ياروغ» سوترەسى نىنگ يەنە اثر توغچەدن تورك- اويغور تىلىگە اوڭيرىلگەن دەپ قىد اېتىلگەن:

بېش بېلىق شىنگو شېلى تودونگ توغچ تىلىدن تورك-اويغور تىلىگە ترجمە قىلگەن «آلتىن رنگلى نورلى يلتىراقلى همەدن اوستون تورەدىگەن نوم تاجدارى» آتلى بيتىگ توگەدى (beşbalıqlıǵ Şinğu Şeli tuduǵ tawğaç tilintin türk bitig tügädi) چمەسى، مذکور اتمە اثر قولياز مەسى نىنگ كوچىرىلگەن دورى (17عصر) بىلەن باغلىق قوللەنگەن چىقىر.

يوسف خاص حاجب نىنگ «قوتدغو بىلگ» داستانىدە اثر نىنگ تىلى توركچە دەپ اتمەلگەن (توركچە قوشوق، توركچە مئل سىنگرى):

Bu türkčä qoşuqlar tüzättim senjä, Oqırda unıtma du‘a qıl menjä.

قوشىق شرحى: بو توركچە قوشىق لرنى سېن اوچون بىتدىم، اوقىردە اونوتمە، مېنى دعا قىل.

علشىر نوايى اوز اثرلرېدە توركى تىلدە سۆزلىشووچى لرنى تورك (تورك، تورك اولوسى)، توركى گولر، اتراك ناملري بىلەن تىلگە آلهدى. توركى تىلنى اېسە تورك (تورك تىلى، تورك لفظى، تورك الفاظى)، توركچە (توركچە، توركچە تىل)، توركى (توركى، توركى الفاظ) دەپ اتمەيدى. اولوغ متفكر نىنگ تاكىدلەشچە، اونىنگ اثرلري انه شو تىلدە دىر. مثلاً، «لسان الطير» دە بو توغرىدە شوندى سطرلرنى اوقىمىز:

تورك الفاظى بىلە سوردوم مقال. (LT.253)

تورك الفاظى بىلە تاپتى ادا (LT.271)

شوندن كېلىب چىقىب، نوايى توركى شعريتتى تورك نظمى دەپ اتمەگەن اېدى.

نوايى قوللەگەن اتمەنى ظهردىن باير اثرلرېدە هم اوچرەتمەيمىز. مثلاً، او «بايرنامە» دە اندىجان توغرىسە معلومات بېرە توريب، اېلىنى تورك، اونىنگ تىلنى توركى دەپ اتمەيدى. (BN.6) ياكە نوايى ايجادى حقيده فكر يوريتىب،

تورکیده «هېچ کیم اونینگدېک کۆپ و خوب» بیتمهگن لیگینی تاکیلهیدی: تورک تیل بیله شعر ایتوپتورلر، هېچ کیم انچه کۆپ و خوب ایتگن اېمس (BN.153).

محمد صالح اوزی نینگ «شیبانی نامه» اثریده شیبانی خان فضیلت لرینی تعریفلر اېکن، اونینگ تورکی اثرلرینی تورکی ابیات، تیلینی اېسه تورکچه تیل دېب اتهگن.

تورکی ابیاتی اېرور شربت ناب،

فارسی شعرلری هم سېراب (ŠN.29).

تورکچه تیل بیله ایمالری بار (ŠN.30).

بو اتمه کپینگی یره تیلگن اثرلرده هم اوچریدی. لېکن تورک اتمه سی نینگ خلق نامی صفتیدهگی قوللنوو دایره سی تاره یگن: اونی اناتولی تورکلری گینه اوزی نینگ و تیلی نینگ آتی صفتیده سقلب قالدی. بوتون تورکی تیللر عابله سی گه نسبتاً اېسه تیرکی (تورکی، تورکی تیللر سینگری) اتمه سینی قوللیمیز. 15

حاضرگی زمان شرق شناسلیگیده 15 عصر نینگ ایککینچی یرمی -16 عصر باشلریدهگی تورکی ادبیات نینگ کلاسیک باسقیچینی چغتای ادبیاتی، تیلینی اېسه تورکی، اېسکی اوزبېک تیلی ناملری بیلن یانمه یان «چغتای تیلی»، «چغتای تورکی سی» دېب اتهلماقده. اوشبو اتمه نینگ کپلیب چیقیشی چنگیز خان نینگ اوغلی چغتای خان آتی گه باغلنهدی. معلوم که، چنگیز خان اوزی باسیب آگن یېرلرنی اوغیلری گه اولشگنده، اورتیه آسیا یېرلری چغتای گه تېککن اېدی. شونگه کوره، بو یېرلر «چغتای اېلی»، یېرلی خلقلر اېسه «چغتای اولوسی»، خلق نینگ تیلی اېسه «چغتای تیلی» دېب اتهلگن. بو آت اوزی نینگ سېمنتیک (تیل شناسلیک) ترقیاتی دوامیده کیشی آتی دن مأموری، اجتماعی- سیاسی و مدنی اتمه گه ایلنگن.

تاکیدلش کبره که، «چغتای اولوسی»، «چغتای تیلی» اتمه لری نینگ مؤغول لرگه یاکه اولر نینگ تیلی گه هېچ بیر باغلیق لیغی یوق. چونکه، بو اولکده مؤغول لر اېمس، تورکی اولوس یشه گن. «چغتای تیلی» اتمه سی هم تورکی تیل نینگ (اېسکی اوزبېک تیلی نینگ) نسبی اتمه سی دیر.

چغتای سوزی اتمه صفتیده 13 عصر دن باشلپ قوللنیلگن. منبع لرگه قره گنده، بو اتمه باشلپ (13-14 عصرلرده) چغتای خان سلاله سی (تورک-مؤغول لر)، دولت حاکمیتی نینگ عالی طبقه وکیل لری، شونینگ دېک، چپرېککه (قوشین، اوردو) نسبتاً قوللنیلگن. کپینچهلېک (15 عصرده) بوتون ماوراءالنهر و خراسان دهگی تورک اولوسی گه نسبتاً قوللنیلگن (Благова 1982,155-156).

15-16 عصرلرده بو اتمەننگ اجتماعي- سياسي وظيفهسي اۋته كېنگەيگن بىر شرايطدە بوتون ماوراءالنهر اېلىني، اونىنگ خلقيني، خلقىنىنگ تىلىني هم افادەلەي باشلەدى: يورتىني، اېلىني چغتاي، چغتاي اېلى، خلقىني چغتاي اولوسي، اونىنگ تىلىني اېسە چغتاي توركىسي دېيىدى. جملەدن، محمد صالحنىنگ «شيباني نامە» اثرىدە:

چغتاي اېل مېنى اۋزىبىك دېمەسون،

بېھودە فكر قىلىب غم بېمەسون (ŠN.111)

«ابوشقە» لغتىدە «بورت» معناسىدە چغتاي، چغتاي دىاري اتمەلري قوللەنىلگن (DDT.96,276). اون آلتىنچى عصرده يوز بېرگن تېمورىلر سلطنتىنىنگ انقراضى و ماوراءالنهرده شيبانىلر حاكمىتىنىنگ اورنەتيلووي، اۋزىبىك- قىپچاقلرنىنگ بو اولكەگە كىرىب كېلووي عاقبتىدە اوشبو اتمە هم استعمالدن چىقە باشلەدى.

اون تورتنىنچى عصرده يرمىلىگن «كتاب ترجمان توركى» اثرىدە «توركى»، «توركى قىپچاق تىلى» ھمدە «توركمنچە»، «توركمن تىلى» اتمەلري اوچرەيىدى. مؤلفنىنگ تەكىدىچە، كتاب «توركى قىپچاق تىلى» قاعدەلرگە بىغىشلەنگن. «توركمنچە» ياكە «توركمن تىلى» مترىاللري اېسە اورنى- اورنى بىلن قىياس صفتىدە كېلتىرىلەدى. چمەسى، اوشبو اثرده «توركى»، «تورك قىپچاق تىلى» اتمەسى بىلن قىپچاق لەجەسى، «توركمنچە»، «توركمن تىلى» دېيىلگەندە اېسە اوغوز لەجەسى كۈزدە توتىلگن.

«التحفة الزكية فى لغة التركيه» اثرىدە ھم كتاب توركى (قىپچاق) تىلى گراممىتىكەسىگە (گرامر) بىغىشلەنگنلىكى تەكىدىلگن. اوشبو اثرده ھم، اورنى بىلن، «قىپچاق تىلى» و «توركمن تىلى» اتمەلري اوچرەيىدى.

علشىر نوايى «نسايم المۇبت» دە سىد نسىمي حقىدە مەلومات بېرە توريىب، شوندى يازەدى: سىد نسىمي- عراق و روم طرفىدەگى مۇلكدىن اېركندور. رومي و توركمنى تىل بىلە نظم ايتىپدور (NM.437) بو جملەدە نوايى رومي و توركمنى تىل اتمەسى آستىدە توركىنىنگ اوغوز لەجەسىنى كۈزدە توتگن.

اۋتمىشده اۋزىبىك خلقى و اونىنگ تىلىني انگەلگن اتمەلردن باشقە بىرى سارت دىر. سارت (سارت ھا) سۈزى يوسف خاص حاجب و محمود كاشغرى اثرلرىدە «سوداگر» معناسىنى بىلدىرگن. مىثال، «قوتدغو بىلىگ» دە: بو سوداگرلر باشى نىمە دېيىدى، اېشىتگىن. (QB.474) (Nekü ter ešitkil bu sartlar baši) ياكە: سوداگرنىنگ مالى تازە بۇلسە، يۇل اوستىدە ياپەدى.

سۈزمە- سۈز: سوداگرنىنگ آزيغى حلال بۇلسە، يۇل اوستىدە بېيىدى

(Sartniñ azuqı arıǵ bolsa, yol üzä yer) (MK.I.97).

اوشبو سۈز اېتونىم (قوم، اولوس) etnonim صفتىدە كېيىنگى دورلردن باشلۇپ ايشلەتىلگن. او باشلۇپ فارسى گۈلرني، كېيىنچەلىك توركى اۋتراق اولوسگە نسبتاً ھم قوللەنىلگن.

«محاكمة اللغتين» ده عليشير نوایي فارسي تیلده سؤزلاوچی لرنی سارت (سارت، سارت اولوسی، سارت اېلی) همده فارسی گوی آت لری بیلن تیلگه آلهدی. اولرنینگ تیلینی اېسه سارت تیلی، سارت لفظی، فارسی (فارسی، فارسی تیل، فارسی الفاظ) دېب اتهدی.

بو سؤزنینگ «بأبرنامه» دهگی معناسی اعتبارگه مالک. ظهرالدین بأبر مرغیلان (مرغینان) Margīnān نی تعریفلر اېکن، اونینگ اېلی سارتلر اېکنینی تأکیدلهدی. او یازهدی: اېلی سارت تور و مُشتزن-و پورشرو شور اېلدور. جنگره لیک رسمی ماوراءالنهرده شایع دور. سمرقند و بخارا ده نامدار جنگره لر اکثر مرغینانی دور (BN.7).

کابل ولایتی نینگ تعریفده سارتلرنی تاجیک و اتراک (تورکلر) بیلن قاریشتیرمهیدی؛ آیری آله دی. او شوندهی یازهدی: جلگه سی ده و توز (تېکیس بیر) لریده اتراک و ایماق و اعراب دور. شهریه و بعضی کبنتلری ده سارت (اوزبیکلر) دور. ینه بعضی کبنتلری ده و ولایتی ده پشهیی، پراجی، گبری، برهکی و افغان (پشتون) دور (BN.120). اوشبو ولایتده فارسی، تورکی، مؤغولی، هندي، افغانی (پشتو)، فارسی، پراجی، گبری، برهکی، لغمانی. مونچه مختلف قوم و مُغایر الفاظ معلوم اېمس- کیم، هېچ ولایتده بؤلغه ی (اوشه جایده).

«بأبرنامه» دن آیینگن مثال لرگه اعتبار بېریسه، مؤلف کابل ولایتی دهگی خلقلرنینگ تیلی توغریسیده معلومات بېر اېکن، سارت یاکه تاجیک تیلینی اېسه مهیدی، او عربی، فارسی، تورکی، مؤغولی و باشقه تیللرنی اېسه مهیدی، خلاص. ینه بأبر مرغیلان اېلینی هم سارتلر دېب اتهدی. چمه سی، مرغیلان لیک سارتلر دېبلگنده اوسته چی لیک بیلن شغللانووچی (اوتراق حیات کچیرووچی) طایفه کوزده توتیلگن کورینه دی. بولردن انگله شیلهدی که، سارت اتمه سی اوشه چاغلر هم فارسی، هم تورکی تیلی اوتراق، شهر اهالی سی گه نسبتاً قولله نیلگن.

محمد صالح هم «شیبانی نامه» سی ده سمرقند نی تعریفلر، اونینگ خلقینی سارت دېب تیلگه آله دی: سارتلر عصرو زبون بولدیلر. (SN.125) بو اوزین ده هم سارت اتمه سی اوتراق، شهر اېلی گه نسبتاً قولله نیلگن. اون بیتینچی عصر تاریخچی سی ابوالغازی اثرلریده هم سارت اتمه سی بار.

شونینگدېک، 19 عصر قوقان تاریخچی لری نینگ اثرلری ده ده بو آت تېز- تېز اوچره ب توره دی. بو کبزلر 13 عصرده اورتیه آسیا گه کبلیب اورتینگن اوزبیک قومی دن باشقه توب اهالی (تورکی و تاجیکلر) سارت دېبلگن. چمه سی، شو سبب بولیب، 19 عصر نینگ ایکینچی یرمی ده روس تیلشناس لری اوز گرامه تیکه لریده اوزبیک تیلینی سارت تیلی (сартовский язык) دېب اته گنلر.

اېندی اوزبیک اتمه سی توغریسیده ایککی آغیز. بو اتمه نینگ کبلیب چیقیشینی تورلیچه تلقین قیلهدیلر. بعضی عالمر بو اتمه نی آلتین اوردیه خانی اوزبیک نینگ (1312-1342) آتی گه باغلهیدی لر. اولرنینگ فکرچیه، اوزبیک خان قرهماغی ده گی اولوس کبینه چهلک اوزبیک آتینی آلگن. باشقه بیر عالمر بو قره شنی قولله مهیدی لر. اولرنینگ تأکیدلشیچه، 14-15 عصرلرده اق اوردیه گی تورک- مؤغول قوملری شو آت بیلن یوریتیلگن. اوزبیک خان اېسه کؤک اوردیه نینگ خانی بولیب، اوزبیک قوملری اونگه بویسونمه گن لر. قرهنگ: 11-10، 1992، Axmedov

اوزبېك اتمەسى 13-14 عصرلردە يره تېلگن فارسچە و عربچە منبعلردە (جملەدن، جوويني، رشيدالدين، خاند امير و باشقەلر نېنگ عصرلر يده) هم اوچرەيدى. اولردە بو اتمە دشت قىچاق دە يشا وچي تورک-مۇغول قومى گە نسبتاً قوللەنيلگن. حتى ايريم منبعلردە توختەميش نېنگ اوزبېك خانى اېکنليگى گە اشاره بار (قرەنگ: اوشە جاى و كېينگى بېنلردە).

كېينگى تور منبعلىرى نېنگ گووامليک بېروويچە، بو اتمە نېنگ معناسى كېنگە ييب، اوروغلر اويوشمە سيني هم انگلته باشلەگن. چنانچە، مسعود ابن عثمان كۆهستانى نېنگ يازيشچە، اوزبېكلر نېنگ تركيى گە ييگيرمە دن آرتيق تورک-مۇغول قوملري كيرگن. ياكە رۇزبېكە خان (16 عصر) اوزبېكلر نېنگ اوچ طایفە دن عبارت اېکنيني تآكيدلەيدى: اولر شيبان اولوسى گە قرەشلى برچە قىيلەر، قازاقر و مَنغيت لردير. (Axmedov 1992,13-14)

كېينچە ليک دشت قىچاق دەگى اوزبېكلر اويوشمە سى گە كيرگن قوملر نېنگ معيين قىسى اوشە بيردەگى قازاق، قارە قلاق، باشقيرد و باشقە تركيى گە قوشىليب كېنگن لر. معيين قىسى شيبانى خان قوشيني بيلن بيرگە اورته آسياگە كيريب كېلە باشلەدى لر و شو بيردە تورغون يشەب قالدى لر. شيبانى خان چېريگى نېنگ كتتە قىسى هم اوزبېكلردن اېدى.

اون اوچينچى عصرگە قدر ماوراءالنهر و خراسان توركلري اوزلريني اوزبېك دېمەگن لر. بارە- بارە بو اولكەگە كېليب اورنەشگن اوزبېكلر نېنگ موقعى آرتە بارەدي؛ دولت باشقرووي هم كوپراق شولر نېنگ قولى گە اوتە باشلەيدى. انه شوندهى تاريخى جريان تآثيريدە بيرلي توركلر هم اوزبېك دېب اتەلە باشلەيدى. شونيسى دقتگە سزواركە، كېليب اورنەشگن قوملر بورون قەيسى اوروغ- قىيلەگە تېگيشلى بولسەر، كېينچە ليک هم، حتى 20 عصر باشلر يگچە اجدادى- قىيلەوي بوليني ش- بېلگى لر يني سقلب كېلدى لر.

يقين- يقين گچە اوزبېكلر آرسيدە «قونغيرات اوروغى»، «نيمان اوروغى»، «مَنغيت اوروغى» سينگري آتلر نېنگ سقلە نييب كېلگن ليگى بي چيز اېم س.

بوقاريدەگى معلوماتلردن حاضركى اوزبېك خلقى 14 يوزبيللي كە دشت قىچاق دە يوزمەگە كېلگن، دېگن مطلقا غير علمى خلاصە كېليب چيقم س ليگى كېرەك. اورته آسيادە قديم دن يشەب كېلگن توركى توب اهالى حاضركى اوزبېك خلقى نېنگ آتە- بابالرى دير. دشت قىچاق دن «اوزبېك» ناميني آلگن قوم نېنگ كېليب اورنەشيشى حاضركى اوزبېكلر نېنگ توليق تركيب تاپيشيدە گى كېينگى باسقيچلردن بيرى خلاص. اولرگە قدر بيرلي توركى خلق باشقە آتلر بيلن اتەلر اېدى. حاضركى آتيني اېسە، كېينچە ليک، اوزلريگە كېليب قوشيلگن اوزبېكلردن آدى لر. دېمك، اتمە تاريخى خلق تاريخى گە تېنگ اېم س.

شو اوريندە تآكيدلش كېرەك، حاضركى اوزبېكلر نېنگ شكللە نووى دە دشت قىچاق دن كېلگن توركى اولوس نېنگ تآثيريني مطلق انكار اېتیب هم بولمەيدى. حاضركى اوزبېك خلقى اوزاق تاريخى ترقيات تآثيريدە، تورلى اېلت- اوروغلر نېنگ بيرىكويدين تشكيل تاپگن. بوني اوزبېك شېولر ي نېنگ اوتە خيلمە- خيل ليگى دە هم كوريش ممكن.

اۆزبېك اتمهسي اېتونيم (قوم، اولوس) etnonim صفتى ده 14 عصر دن باشلې قوللەنيلگن بولسه ده، تيل گه نسبتاً كېچ عمل قىلگن. چنانچه، اوشه كېزله اۆزبېك قومى نىنگ شېوهسى اۆزبېك تىلى اېمس، توركى، قىپچاق تىلى دېب اتەلگن. قىپچاق شېوهلىرى كېيىنچەلىك حاضركى تىلشناسلىكى مىزده «اېسكى اۆزبېك ادبى تىلى» دېب اتەله ياتگن يازمه تىل گه هم تاثير اېته باشلەگن. لېكن او اېسكى اۆزبېك ادبى تىلى نىنگ تېنچ دىالكى گه ايلەنگن اېمس. يعنى ادبى تىل سىتواتسىيەسىده (وضعيتى ده، حالى ده) situatsiyasida كېيىن قوشىلگن اولوس نىنگ دىالكى او قدر حل اېتوچى اۆزىنگه كۆزىله آلگى يوق. چونكه بو دور ماوارالنه و خراسان ادبى محيطى ده قديمگى و اېسكى توركى ادبى تىل عنعنەلىرى و تاثيرى استوار اېدى. بنايرىن، 13-16 يوزىللىكلردهگى كلاسىك ادبى تىل («چغتاي توركىسى») شو عنعنە تاثيرىده شكلەنگن. اۆزبېك ادبى تىلى نىنگ كېيىنكى دورلردهگى ترقىياتى هم بى واسطە عىنى ادبى تىل دوامى ده توره دى. بو تدرىجى جريانى 17 عصر دن 20 عصر باشلىرىگچە يشەب اوتگن ابوالغازى، مشرب، آگهى، مقيمى فرقت، و باشقه اونلې ممتاز ادبىياتى مىز نمايندهلىرى نىنگ اثرلىرى تىلى ده بىقال كوزەتېش ممكن.

خلاصه قىلىپ ايتگنده، اۆزبېك تىلى جوده اوزاق تارىخ گه اېگه بولېب، اونىنگ حاضركى اتى تىل تارىخىنى اۆزىده توگل عكس اېتتىرمەيدى. خوددى شوندهى حالنى باشقه توركى (مثلاً، اويغور، قازاق و باشقه) تىل لرده هم كوزەتمەيز. بو حادثە توركى تىل لرنىنگ، شولر قطارى، اۆزبېك تىلى نىنگ اوتە مرگب جريانىنى باسىب اوتگنى دن دلالت بېره دى.

اۆزبېكلر حاضركى اتىنى كېيىنچەلىك قبول قىلدى و اوزاق عصرلى تىلىنى هم شوندهى اتەى باشلەدى. بونگه قدر اۆزبېك تىلى توركچە، توركى تىلى، توركى، چغتاي تىلى و باشقه ناملر بىلن اتەلب كېلىنگن.

ماخذ: «توركى تىل تارىخى» اتلى كتاب، يازوچى: پروفيسور قاسم جان صادقاف، الفبا اۆگىروچى: بسم الله تورانى

Presented by:



BAYANI SOCIAL & CULTURAL FOUNDATION

www.bayanifoundation.com